

Na osnovu Odluke Senata Univerziteta br: 03-4783-2/18 od 06.09.2018. godine

UNIVERZITET U TUZLI

raspisuje

KONKURS
za prijem studenata u studentske domove Studentskog centra Univerziteta u Tuzli u akademskoj
2018/2019. godini

I

U akademskoj 2018/2019. godini u studentske domove Studentskog centra Univerziteta u Tuzli (u daljem tekstu Studentski centar) bit će primljeno 500 studenata Akademije i fakulteta Univerziteta u Tuzli, na smještaj i ishranu, od čega 494 studenata državljana Bosne i Hercegovine i 6 studenata stranih državljana.

II

(1) Pravo na prijem u studentske domove Studentskog centra imaju redovni studenti Akademije i fakulteta Univerziteta u Tuzli (u daljem tekstu fakultet) pod slijedećim uslovima:

- da su prvi put upisali prvu, odnosno narednu godinu studija;
- da je mjesto njihovog prebivališta, odnosno boravišta udaljeno od Tuzle više od 15 kilometara.

III

Uz prijavu na konkurs koja se može preuzeti na Web stranici Univerziteta www.untz.ba kandidat je dužan dostaviti slijedeću dokumentaciju:

1. Uvjerenje da je redovan student Univerziteta;
2. Potvrdu o mjestu prebivališta, odnosno boravišta (CIPS-ov dokument – kopija),
3. Uvjerenje o prosječnoj ocjeni ostvarenoj u prethodnoj godini studija, odnosno u srednjoj školi za studente prve godine studija;
4. Uvjerenje o zajedničkom domaćinstvu (kućna lista);
5. Potvrdu o prosječnoj plaći za svakog zaposlenog člana užeg porodičnog domaćinstva ostvarenoj u posljednja tri mjeseca, odnosno ovjerenu fotokopiju tri zadnja čeka za svakog člana užeg porodičnog domaćinstva koji primaju penziju;
6. Uvjerenje za članove užeg porodičnog domaćinstva koji se nalaze na evidenciji Zavoda za zapošljavanje;

Za ostvarivanje benefita pri bodovanju i rangiranju, student u zavisnosti o pripadnosti nekoj od slijedećih kategorija, dostavlja i :

1. Uvjerenje da je student član porodice koja ostvaruje stalnu novčanu pomoć i visini te pomoći/da je bez roditeljskog staranja;
2. Uvjerenje da je student izbjeglo i raseljeno lice;
3. Uvjerenje da je student iz porodice šehida ili poginulog borca;
4. Uvjerenje da je student RVI ili član porodice ratnog vojnog invalida sa procentom invalidnosti;
5. Uvjerenje da je student invalid ili član porodice invalida sa procentom invalidnosti;
6. Uvjerenje o učešću u oružanim snagama BiH studenta ili člana užeg porodičnog domaćinstva;
7. Izvod iz matične knjige umrlih za slučaj da je student bez roditeljskog staranja.

IV

Komisija za prijem studenata u studentske domove utvrđuje Rang listu prijavljenih kandidata, objavljuje prijedlog Rang liste, razmatra prigovore na istu, te utvrđuje i objavljuje konačnu Rang listu, koja predstavlja osnov za prijem u domove Studentskog centra.

Rangiranje kandidata vrši se na osnovu kriterija utvrđenih Pravilnikom Univerziteta i zbrajanja ukupnog broja bodova, ostvarenih po dostavljenim uvjerenjima koji se traže ovim konkursom.

Konačna Rang lista biti će objavljene na oglasnoj ploči Studentskog centra i na Web stranici Univerziteta u Tuzli: www.untz.ba.

V

Komisija za prijem studenata u studentske domove će nakon objavljivanja konačne Rang liste utvrditi kriterije raspodjele smještajnih kapaciteta, način, uslove i dinamiku useljavanja studenata u studentske domove.

VI

Studentski dom Student koristi od dana zaključivanja Ugovora do isteka junsko-julskog ispitnog roka, odnosno do 15.07. tekuće godine, do kada je dužan u cjelosti izmiriti svoje obaveze prema Studentskom centru.

Međusobni odnosi između Studentskog centra Univerziteta u Tuzli kao davaoca usluga i studenata kao korisnika usluga i kantonalnih i Federalnog ministarstva obrazovanja kao učesnika u sufinansiranju uredit će se posebnim ugovorom kojim će se jasno utvrditi prava i obaveze ugovornih strana za period naznačen u prethodnom stavu.

Studenti iz kantona sa kojima Studentski centar Univerziteta u Tuzla nema potpisan ugovor o subvencioniranju, dužni su prilikom zaduženja u domove dostaviti pojedinačnu potvrdu o prihvatanju subvencioniranja ishrane i smještaja za tekuću akademsku godinu. Navedenu potvrdu izdaje nadležno resorno kantonalno ministarstvo, u zavisnosti iz kojeg kantona student dolazi.

VII

Studenti viših studijskih godina u obavezi su najkasnije do 15.10. tekuće godine priložiti uvjerenje o upisu na fakultet u narednu akademsku godinu, a u suprotnom nemaju pravo na smještaj.

Uz ispunjenje uvjeta iz tačaka II i III konkursa, prioritet kod smještaja u studentske domove, pod jednakim uvjetima rangiranja imaju studenti koji pripadaju kategoriji lica prema Zakonu o dopunskim pravima boraca – branitelja i članova njihovih porodica („Službene novine Tuzlanskog kantona“, broj: 5/12 i 5/14 i 12/16).

VIII

Prijave na konkurs, sa potrebnom dokumentacijom podnose se u roku od 15 dana od dana njegovog objavljivanja.

IX

Student kojem je u tekućoj školskoj godini izrečena disciplinska mjera za težu povredu obaveze nema prava učešća na konkursu.

Student koji do dana objavljivanja ovog konkursa nije izmirio svoje ugovorne obaveze iz tekuće i prethodnih školskih godina prema Studentskom centru nema pravo učešća na konkursu.

X

Neblagovremene i nepotpune prijave ne uzimaju se u razmatranje.

XI

Prijave na konkurs mogu se dostaviti lično ili putem pošte na adresu:

UNIVERZITET U TUZLI, STUDENTSKI CENTAR, Ul. Muhameda Hevajja Uskufija br.7., 75000 TUZLA-
Komisiji za prijem studenata u studentske domove, putem tehničkog sekretara.

KontaktTel/fax: 035/252-208 ili 035/275-534